

MILLIY ARMIYA – O‘ZBEKISTON RESPUBLIKASI SUVERENITETINING TIMSOLIDIR.

*O‘zbekiston Respublikasi IIV Malaka oshirish instituti Yuridik fanlar kafedrası
o‘qituvchisi, mayor Eshqulov Doston Jahongir o‘g‘li*

Annotasiya: Ushbu maqolada O‘zbekiston Respublikasi Qurolli kuchlarining davlatimiz suveriniteti va hududiy yaxlitligi saqlashda qo‘shayotgan xissasi, Milliy armiyamizning jahon xamjamiyati reytinglaridagi o‘rni va Yangi O‘zbekiston Taraqqiyot strategiyasidada belgilangan vazifalar yoritilgan.

Kalit so‘zlar: O‘zbekiston Respublikasi Qurolli kuchlari, harbiy jang san’ati, Qurolli Kuchlar Bosh shtabi, Qurolli Kuchlar Akademiyasi, Yangi O‘zbekiston Taraqqiyot strategiyasi.

НАЦИОНАЛЬНАЯ АРМИЯ ЯВЛЯЕТСЯ СИМВОЛОМ СУВЕРЕНИТЕТА РЕСПУБЛИКИ УЗБЕКИСТАН.

Аннотация: В данной статье описан вклад Вооружённых Сил Республики Узбекистан в поддержание суверенитета и территориальной целостности нашей страны, место нашей Национальной Армии в рейтингах мирового сообщества, а также задачи, определённые в Стратегии развития Узбекистана. Новый Узбекистан.

Ключевые слова: Вооружённые Силы Республики Узбекистан, военное боевое искусство, Генеральный штаб Вооружённых Сил, Академия Вооружённых Сил, Стратегия развития Нового Узбекистана.

THE NATIONAL ARMY IS THE SYMBOL OF THE SOVEREIGNTY OF THE REPUBLIC OF UZBEKISTAN.

Annotation: This article describes the contribution of the Armed Forces of the Republic of Uzbekistan to maintaining the sovereignty and territorial integrity of our country, the place of our National Army in the ratings of the world community, as well as the tasks defined in the Development Strategy of Uzbekistan. New Uzbekistan.

Key words: Armed Forces of the Republic of Uzbekistan, military martial art, General Staff of the Armed Forces, Academy of the Armed Forces, Development Strategy of New Uzbekistan.

Yuritimizningda jahon tamadduniga bemisl hissa qo‘shgan ko‘plab mohir sarkardalar yetishib chiqqan. Ayniqsa, Jaloliddin Manguberdi, Sohibqiron Amir

Temur, Zahiriddin Muhammad Bobur, Temur Malik kabi buyuk ajdodlarimiz o'z zamonasida yengilmas qo'shnlarning qo'mondonlari bo'lishgan. Ularning harbiy jang san'atida qo'shinning yuksak jangovar holatini ta'minlash bo'yicha juda ko'p ibratli ishlarni amalga oshirishgan.

Ayniqsa, ulug' bobokalonimiz Amir Temurning jangovar qo'shini o'zining strategik va taktik mahorati bilan o'sha davrning eng mukammal va kuchli armiyasi hisoblangan. Xususan, qo'shin tarkibi, boshqaruv shakli, uning jang paytidagi harakatlanishi hatto dushman qo'shnlari tomonidan ham e'tirof etilgan.

Istiqlol yillarida milliy armiyamiz yoshlarning irodasini toblaydigan, ularni o'z Vatani va xalqiga sadoqat ruhida tarbiyalaydigan chinakam jasorat va matonat maktabiga aylandi. Farzandlarimizning harbiy xizmatga, boshqacha aytganda, el-yurt tinchligi va osoyishtaligi, osmonimiz musaffoligi, sarhadlarimiz daxlsizligini ta'minlashga bo'lgan qiziqish va intilishi kuchaydi, Vatan himoyachisi bo'lish har bir yigitning ezgu maqsadiga aylandi.

Alohida mamnuniyat ila ta'kidlash lozimki, so'nggi yillarda mamlakatimizda olib borilgan keng ko'lamli islohotlar natijasida milliy armiyamizning qiyofasi va salohiyati tubdan o'zgardi.

Xususan, 2022–2026-yillarga mo'ljallangan Yangi O'zbekiston Taraqqiyot strategiyasida yurtimiz mudofaa salohiyatini yanada mustahkamlash va Qurolli Kuchlarimizni rivojlantirish ustuvor yo'nalishlardan biri etib belgilandi.¹ Ushbu strategiya asosida Qurolli Kuchlarning tezkor boshqaruvini amalga oshirish, milliy armiyamizni zamonaviy qurol-yarog' va harbiy texnikalar bilan ta'minlash hamda harbiy xizmatchilarning axloqiy-ruhiy tayyorgarligi va jangovarlik ruhini oshirish bo'yicha aniq chora-tadbirlar amalga oshirilmoqda.

Ma'lumki, harbiy xizmatchilar, ayniqsa, komandirlar tarkibining professional tayyorgarligini oshirish milliy armiyani yanada rivojlantirishning eng muhim sharti hisoblanadi. Shu jihatdan, Qurolli Kuchlar Bosh shtabi hamda harbiy okruglar boshqaruv apparatlari ofitserlarini, brigada komandirlari va ularning o'rinbosarlarini o'qitish bo'yicha Qurolli Kuchlar Akademiyasida yangi tizim yo'lga qo'yilib, soha uchun kadrlar tayyorlashda nazariya va amaliyotni imkon qadar yaqinlashtirish choralari ko'rilmoqda.

Milliy armiyamizni zamonaviy qurol-yarog' va harbiy texnikalar bilan ta'minlash bo'yicha kompleks dasturlarni tayyorlashda bugungi kunda dunyoning turli mintaqalarida kuzatilayotgan harbiy mojarolar xususiyatlari, qo'shnlarni yanada rivojlantirishning ustuvor yo'nalishlari hisobga olinmoqda. Bu borada eng zarur qurol-aslaha va anjomlarni sotib olish, ularni yangi jangovar tizimlar bilan birgalikda qo'llash va takomillashtirib borish masalasi davlatimizning doimiy e'tiborida. Shuningdek,

¹ <https://lex.uz/uz/docs/-5841063>

harbiy qism va poligonlardagi infratuzilma, askar va ofitserlarning xizmat sharoitlari tubdan yaxshilanmoqda. Qolaversa, harbiy xizmatchilarning intellektual salohiyatini yuksaltirish, aholi, birinchi navbatda, yoshlarni harbiy-vatanparvarlik ruhida tarbiyalash, harbiy xizmatchilar, ularning oila a'zolari, Qurolli Kuchlarimiz faxriylarini ijtimoiy va huquqiy jihatdan muhofaza qilishni kuchaytirish borasidagi ishlar izchil davom ettirilyapti.

Shu o'rinda O'zbekiston Respublikasi Prezidenti Sh.M.Mirziyoev Qurolli kuchlar tashkil etilganligining 32 yilligi munosabati bilan yo'llagan tabrigida keltirgan **“Xalqimiz sizlar kabi mard va jasur harbiylarimiz timsolida Vatanni himoya qilishdek dunyodagi eng ulug' ishni sharaf bilan ado etib, Jaloliddin Manguberdi, Amir Temur, Bobur Mirzo singari buyuk ajdodlarimizning shonli an'alarini munosib davom ettirib kelayotgan ona yurtimizning chinakam qalqonlarini ko'radi”²** degan fikrini keltirish o'rinli.

Harbiy sohada olib borilayotgan e'tiborga molik ishlar, keng ko'lamli islohotlar besamar ketmayotgani kishini quvontiradi, albatta. Xususan, O'zbekiston armiyasi 2023-yilda dunyodagi eng kuchli armiyalar reytingida 145 davlat o'rtasida 62-o'rinni egalladi. Mazkur reyting «Global Firepower» xalqaro kompaniyasi tomonidan tuzib chiqildi. Tuzilgan ushbu reytingning o'ziga xosligi shundaki, u qanchalik past bo'lsa, mamlakat shunchalik kuchli armiyaga ega hisoblanadi. Hozircha hech bir davlat 0,0000 harbiy kuchning maksimal ko'rsatkichiga erishmagan. O'zbekiston 1,0692 indeksini olgan³. Bu Markaziy Osiyo davlatlari orasidagi eng yuqori ko'rsatkichdir.

O'tgan yilning oktabr oyida AQSHning «News & World Report» nashri ham o'z tadqiqot natijalarini e'lon qildi. Unga ko'ra, mamlakatimiz armiya qudrati bo'yicha 87 davlat o'rtasida 18 o'rinni egalladi.⁴ Bu reytingda Rossiya, AQSH va Xitoy yetakchilik qilgan. Qo'shnilarimizdan faqat Qozog'iston reytingga kiritilgan. Nashrning yozishicha, armiyalarning qudrati global so'rovda qatnashganlarning fikr-mulohazalari asosida baholangan.

Vakillarimiz, ayniqsa, keyingi yillarda o'tkazilayotgan ko'plab xalqaro miqyosdagi nufuzli harbiy musobaqalarda faxrli o'rinlarni egallab kelishayotgani ham quvonarli hol. Jumladan, yurtimiz harbiylari Xalqaro armiya o'yinlari, «Kembriya patruli» va boshqa shu kabi yirik harbiy-sport musobaqalarida salmoqli yutuqlarni qo'lga kiritishmoqda.

Yurtimizning barcha hududlarida O'zbekiston Respublikasi Qurolli Kuchlari tashkil topganining 32 yilligida hamda Vatan himoyachilari kuni munosabati bilan «Yangi O'zbekiston armiyasi – mamlakat qudrati, yuksak g'urur va sadoqat

² <https://yuz.uz/uz/news/ozbekiston-respublikasi-qurolli-kuchlari-tashkil-etilganining-32-yilligi-va-vatan-himoyachilari-kuni-munosabati-bilan-bayram-tabrigi>

³ <https://www.globalfirepower.com/countries-listing.php>

⁴ <https://www.iais.uz/uz/centerabouts/amerika-tadqiqotlari-markazi>

timsolidir!» shiori ostida «Vatanparvarlik oyli» ko‘tarinki kayfiyatda o‘tkazildi. Oylik doirasida «Vatanparvarlik karvoni» festivallari, davra suhbatlari, uchrashuvlar, turli viktorina va sport musobaqalari tashkil etildi. Harbiy xizmatchilar, soha faxriylari, elimizning taniqli kishilari, yoshlar ishtirokida o‘tgan ushbu tadbirlar Prezidentimiz tomonidan ilgari surilgan «Xalq va armiya – bir tan-u bir jondir» degan ezgu tamoyilning amaldagi yorqin ifodasidir.

Xulosa qilib aytganda, bugungi kunda milliy armiyamiz mamlakatimiz qudrati, yuksak g‘urur va sadoqatimiz timsoliga aylanib ulgurgan. Zotan, Vatanimiz, xalqimizga sadoqatli yigitlar xizmat qilayotgan Qurolli Kuchlarimiz mustaqilligimizning, tinch va osoyishta, farovon hayotimizning ishonchli qalqonidir.

Foydalanilgan adabiyotlari:

1. O‘zbekiston Respublikasi Konsititutsiyasi; O‘zbekiston – 2023 yil.
2. <https://lex.uz> internet tarmog‘i
3. <https://yuz.uz> internet tarmog‘i
4. <https://www.iais.uz> internet tarmog‘i
5. <https://www.globalfirepower.com> internet tarmog‘i

